



PENGAWA PAUL DI MENUA KORINT

"Anang takut,
tang majak
bejaku, lalu anang
nejuka orang
madamka jaku
nuan, ¹⁰laban Aku
bisi enggau nuan,
lalu nadai orang
ulih terengkah
jari ba nuan lalu
ngemediska nuan,
laban Aku mayuh
nembiak dalam
nengeri tu."
(Acts 18:9, 10, NRSV)



Udah Surat Ngagai Orang Rome, Surat Ngagai Orang Korint nya surat ti pemadu panjai ditulis Paul.

Dua iti surat ke agi meruan nya semina ditulis beberapa minggu aja. Dalam bup nya, kitai tetemuka jaku lalau ti ulih dikena mutarka penanggul ti tusah ke nyadi ketegal bisi penyarut antara pangan diri.

Dikena meretika pesan sida enggau betul, kitai patut nemu dulu konteks endur sida ditulis.



Seruan ari Paul



Pejalai ngagai Corinth



Negeri ti nama Corinth



Peranak Negeri Corinth



Surat dituju ngagai orang di Corinth

SERUAN ARI PAUL

“Rasul Paul—ukai dikirum mensia tauka ulih mensia, tang ulih Jesus Kristus enggau Allah Taala ti Apai, ti udah ngangkatka iya ari mati—” (Galatia 1:1)



Kelimpah ari dua belas iku ti dipilih Jesus, Bup Kudus bisi nyebut pasal rasul bukai baka Matias (Kereja Rasul 1:26), Barnabas (Kereja Rasul 14:4), James enggau Paul (1 Korint 15:7-9).

Baka ni Paul nyadi rasul?

Ulih pilih Jesus (Gal. 1:1)

Kemaya iya dipilih?

Ari kandung indai iya (Gal. 1:15)

Kemaya iya dikangau?

Ba jalai nuju ngagai Damaskus (Kereja Rasul 22:6-7)

Iya nyadi rasul sapa?

Ngagai orang bansa bukai (Gal. 2:9)



Ari maya iya dikangau, pengidup Paul manggai ka diri ba Jesus. Iya berunding pasal Jesus, iya bejaku pasal Jesus, iya bekunsi Jesus enggau semua orang.

Ketegal tu, ari maya keterubah iya datai di Korint, Jesus nyadi ka pemun pesan sida (1 Kor. 2:2).

PEJALAI NGAGAI KORINTH



“Udah bekau nya, Paul angkat ari Athens, lalu mansang ngagai Korint” (Kereja Rasul 18:1)

Ba pejalai iya ti kedua nyadi pemberita injil, Paul diiring Roh Kudus mansang ngagai menua Eropah (Kereja Rasul 16:6-10). Dia iya dibuai ari Pilipi (Kereja Rasul 16:12, 38-39), ari Tesalonika (Kereja Rasul 17:1, 5, 9-10), enggau ari Beria (Kereja Rasul 17:13-14).

Di Athens, udah iya nginjil ngagai orang Judah dalam balai gempuru enggau ngagai orang bansa bukai ba pasar, iya dikangau nginjil ba Areopagus (Kereja Rasul 17:16-21). Amai pan bejaku enggau landik, semina mimit aja orang nerima Jesus (Kereja Rasul 17:34).

Ninggalka Athens, Paul mansang ngagai Korint lalu begulai enggau Akuila seduai Prisila, ke sama gawa ngaga langkau kain. (Kereja Rasul 18:1-3).

Baka adat ke dikembuan iya, iya berengkah nginjil ngagai orang Judah dalam balai gempuru lalu udah nya ngagai orang bansa bukai (Kereja Rasul 18:4-8). Sekumbang iya diau di Korint, lalu udah bekau “enda mujur” di Athens, Paul mutuska runding enda ngena penemu mensia, tang semina nginjil tentang “Jesus Kristus, ti udah diregang” (1 Korint 2:2).



NEGERI TI NAMA CORINTH

"endang amat bisi mayuh 'petara' enggau mayuh 'tuan' " (1 Korint 8:5b NIV)

Korint dirusak Rome dalam taun 146 SM. Udah nya, Julius Caesar nganjung koloni veteran enggau orang bebas dalam taun 46 SM.

Pengujung iya, nengeri nya merdeka dalam taun 44 SM. Lebu Paul nemuai, endur nya endang udah nyadi palan dagang ti beguna.

Utai ke manah tentang Korint ia nya tempat endur menua nya duduk, ba Isthmus di menua Korint, bisi dua buah palan penyangkai kapal dagang ti beguna: Lechaem, ba Teluk Korint; enggau Kenkrea, ba Teluk Saronik.

Pengawa dagang iya ngasuh Paul ulih gawa ngaga langkau kain. Tang pengaya Korint (ti besaing enggau Athens) bisi beberapa iti pengurang.



Pengawa nyembah engkeramba enggau ulah seks ti kamah ngemenuhka nengeri nya lalu ngerusak budaya nengeri nya. Mayuh pesan Paul ngagai orang Korint nguji deka ngemunaska penanggul tu ti benung ngerayap ngagai gerija.



PERANAK NEGERI CORINTH

"Udah nya Tuhan lalu bejaku ngagai Paul dalam genera malam, 'Anang takut, tang bejaku, lalu anang enda bemunyi' " (Kereja Rasul 18:9)



Orang Judah di Korint nulak pesan nya, lalu mejal Paul pansut ari balai gempuru, Paul lalu berengkah begempuru enggau orang bansa bukai ba rumah ti besepiak enggau balai gempuru (Kereja Rasul 18:4-7).

"Pengawa ti kamah ti dipeda iya ba orang bansa bukai, enggau pemenchi serta pamaroh pendiau iya dipeda orang Judah, ngasuh iya balat tusah ati. Ari utai ke ditemu iya dia penemu iya ti deka nguji niri ka gerija nyau tejanggal " (EGW The Acts of the Apostle p. 250).

Maya nya, Jesus ngayanka diri dalam genera malam kena meransang Paul neruska pengawa iya ba orang Korint, lalu meransang iya madah ke mayuh orang deka nerima pesan nya (Kereja Rasul 18:9-10).



Dikeringka ulih genera nya, Paul diau di Korint pengelama setaun setengah (Kereja Rasul 18:11). Pengujung iya, orang Judah mai Paul ngagai kot (Kereja Rasul 18:12-13). Lebuah iya ninggalka Korint, gerija ti besai udah bisi ditumbuhka dia(Kereja Rasul18:18).

SURAT DITUJU NGAGAI ORANG DI CORINTH

"Laban sida Kloi sebilik bisi udah madah ngagai aku, menyadi, pasal kita ke belaya enggau pangan diri". (1 Corinthians 1:11)

1 Corinthians 1-6


Dipadahka Chloe pasal beberapa penanggung ti bisi dalam gerija, Paul ngelalau sida pasal: bepechah-belah; ulah seks ti kamah; laya; enggau pengawa nyundal.

1 Corinthians 7-16

Sida Chloe sebilik mega mai surat ngagai iya enggau beberapa iti tanya ari gerija pasal topik ti disaut Paul bekaul enggau: pengawa jadi melaki bini; sarak; enda bebini; pemakai ti diberi ngagai engkeramba; ulah dalam sembiang; pengawa ngena pemerih roh; enggau pengangkat ari mati.

2 Corinthians

Tu meh surat ti kedua ti udah digalau, taja pan Paul bisi nulis beberapa iti agi (engka sebedau dua iti ti agi bisi enggau/tauka ba selang antara seduai iya). Iya muji orang Korint ketegal chara sida mutarka sekeda penanggung, tang ngansak sida meda dunya nengah lensa injil, nyeliahka pengaruh budaya ti ngelingi sida.



“Bala raban anembiak Allah Taala di nengeri-nengeri ti besai enda tau lemi semengat ketegal penyai, pengawa ti enda lurus, pengawa ti kamah, ti diasoh tapi sida lebuah sida nguji madahka berita manah pasal pengelepas. bejaku, lalu anang enda bemunyi, laban Aku bisi enggau nuan, lalu nadai orang deka ngemediska nuan, laban Aku bisi mayuh orang di nengeri tu.” Kereja Rasul 18:9,10... [...] Ba genap nengeri, taja pan iya penuh enggau pengawa kasar enggau penyalah, bisi mayuh orang enti diajar enggau betul tau belajar nyadi nembiak Jesus. Beribu iku orang ulih dijingkau enggau pemendar ti nyelamat lalu dibai nerima Kristus nyadi ka Juruselamat sida empu”